



**“As ij met mekaor D66 stark maakt,
zörg ik in Drenthe veur**

- Bescharming van het gruen en de cultuur
- Goed onderwies en meer bedrievigheid
- Een stark en democratisch bestuur
- Centerij die op örder is.’

**Marianne van der Tol, liesttrekker
D66 Drenthe**



Drenthe is een provincie met gloepends veul meugelijkheden. Je hebt er grote bossen en heidevelden, maor ok steden en dörpen waor mènsen mekaor nog staon ziet. Der bint evenwal ok preblemen, waorvan het D66 helder veur ogen stiet wat er an gebeuren mot. Dat der aal minder mènsen in Drenthe woont, de landbouw en de warkloosheid maakt het neudig daw met mekaor dudelijke en wieze keuzes maakt, die derveur zörgt daw grondstofveurraoden niet oetput en het landschap niet verrinneweert. Drenthe hef D66 neudig veur een livvendige omgeving

met broesende steden en gezonde dörpen. Wij wilt goeie economische en bestuurlijke saomenwarking met de naoberprevincies, Noord-Duutslan, Den Haag en Brussel.

Wark veur Drenthe

D66 wil Drenthe economisch starker maaken, bijveurbeeld wat recreatie en toerisme, duurzaam energie en landbouw angiet. Wij wilt dat der meer en beter saomenwarkt wordt tussen onderwies en bedrijfsleven, dat kennis umzet wordt in een product. D66 wil minder regels, dat ondernimmers echt ondernimmen kunt. De provincie mot beter warken: goedkoper, wiezer en zuniger.

Gruun veur Drenthe

Hoezen moet energievrunderlijker worden. Wij wilt een gezonde landbouw in een gezond milieu. Wij wilt de bestaonde ruimte beter gebroeken en verrommeling van 't landschap vermindern. D66 is tegen het opslaon van CO2 in de Drèentse grond.

Een sociaal Drenthe

Der mugt dan stukken in Drenthe weden waor aal minder mènsen woont, D66 wil dat ok daar goeie veurzienings bliest. Elkenien mot het pad naor goed onderwies vinden kunnen. De jeugdzörg mot beter regeld worden. Kunst en cultuur en RTV Drenthe kunt er op reken dat D66 heur steunen bief.

Een stark Noord-Nederland

De wereld veraandert rap en dan hej een stark en daodkrachtig bestuur neudig. D66 vindt daj dat krachtige bestuur aans organiseren moet. Een stark Drenthe hef belang bij een stark Noord-Nederland. Daorum wil D66 dat de noordelijke provincies bestuurlijk iene wordt, waorbij de iegen identiteit wal behouden bief.

<http://www.D66Drenthe.nl>

 D66 twitter